

# POESÍA

## ROSALÍA DE CASTRO

Seguro que te lembrás de que vimos hai pouco a poesía de Rosalía de Castro "Adiós ríos, adiós fontes".

Hoxe a proposta é ler todo o poema enteiro. Despois podes escribir ou memorizar unha, dúas, tres estrofas... as que sexas capaz e que te graven recitándoas ou léndoas.

Adiós ríos, adiós fontes  
adiós, regatos pequenos;  
adiós, vista dos meus ollos,  
non sei cándo nos veremos.

Miña terra, miña terra,  
terra donde m'eu criei,  
hortiña que quero tanto,  
figueiriñas que prantei.

Prados, ríos, arboredas,  
pinares que move o vento,  
paxariños piadores,  
casiña d'o meu contento.

Muiño dos castañares,  
noites craras do luar,  
campaniñas timbradoiras  
da igrexiña do lugar.

Amoriñas das silveiras  
que eu lle daba ó meu amor,  
camiñoños antre o millo,  
¡adiós para sempre adiós!

# POESÍA

## ROSALÍA DE CASTRO

¡Adiós, gloria! ¡Adiós, contento!

¡Deixo a casa onde nacín,  
deixo a aldea que conoso,  
por un mundo que non vin!

Deixo amigos por extraños,  
deixo a veiga polo mar;  
deixo, en fin, canto ben quero...  
¡quén puidera non deixar!

Adiós, adiós, que me vou,  
herbiñas do camposanto,  
donde meu pai se enterrou,  
herbiñas que biquei tanto,  
terriña que nos criou.

Xa se oien lonxe, moi lonxe,  
as campanas do pomar;  
para min, ¡ai!, coitadiño,  
nunca máis han de tocar.

¡Adiós tamén, queridiña...  
Adiós por sempre quizáis!...  
Dígoche este adiós chorando  
desde a beiriña do mar.

Non me olvides, queridiña,  
si morro de soidás...  
tantas légoas mar adentro...  
¡Miña casiña!, ¡meu lar!